

Edi Gasser

## Läbesfreid

**Solo: f** (B-Dur) (2 st. Jodel)

Wie gärn g'sehn i der Früehlig  
cho, d'Natur erwachet und es  
stimmt eim froh; wenn Chraft und  
Saft i Pflanze schiesst und  
d'Sunne erschti Blueme grüesst.

*Chor: Da läbt me uf, es git neu-i  
Chraft i wünschti jedem dass er's  
schafft! Da läbt mer uf ..... .*

Wenn s'Gras und Blueme riiffe  
tüend de wüssed d'Buure was si  
schaffe müend! Vo Chelch und  
Chelch es Bienli fliegt, der Gruch  
vom Heu in d'Nase stiegt.

*Wär das nid kennt, i beduurne  
fascht, s'wär s'Beschti gäge Hetz  
und Hascht. Wär das nid kennt ....*

Lönd d'Herbschtböim aber  
d'Bletter gah, de het d'Natur scho  
ihri Arbet ta. Der Winter chunnt,  
mach d'Schii parat, s'isch Zyt wo  
s'Härz halt schneller schlat.

*Wie schön wenns stübt so im  
früsche Schnee, wär's da nid  
packt dä wett ich gseh! Wie schön  
wenn's stübt so im .....*